



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 16/06/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Finanzen weiderzeleeden.

Ännerungen an der US-Steiergesetzgebung (Sektoun 174) hunn amerikanesch Tech-Entreprisë forcéiert, hir R&D- a Software-Entwécklungskäschten iwwer 5 Joer ze amortiséieren amplaz se direkt ofzesetzen. Dëst huet zu enger méi héijer Steierlaascht gefouert an de R&D-Investissementswuesstem vu järelech 6,6% op manner wéi 0,5% reduzéiert. Deementspreechend weisen europäesch Studien, datt Lëtzebuerg keng signifikant "ausgaben-baséiert R&D-Steierentlaaschtung" ubitt, am Géigesaz zu Länner wéi der Belsch (mat bis zu 85% Reduktioun), Irland (6,25% effektiv Steiersaz fir d'Innovation Box), oder de hollänneschen IP Box Regime. Während Lëtzebuerg eng 80 Prozenteg Steierbefreiung op IP-Akommes ubitt, kréien R&D-Ausgaben allgemeng keng verstärkt Ofsetzbarkeet iwwer déi normal Geschäftsausgaben-Ofsetzbarkeet eraus.

An deem Zesammenhang wéilt ech dem Minister dës Froe stellen:

1. Plangt d'Regierung eng direkt a verstärkt Ofsetzbarkeet vu Software-Entwécklungskäschten anzeféieren, fir Tech-Startups ze encouragéieren?
2. Wéi kann déi momentanen Digital Transformation Tax Credit (18%) erweidert ginn, fir méi R&D-Aktivitéiten an -Ausgaben ze decken?
3. Ginn et Iwwerleeunge fir eng "Super-Deduction" fir R&D-Ausgaben anzeféieren, änlech deenen, déi a China oder Dänemark implementéiert goufen?
4. Wéi kann d'Kombinatioun tëschent dem IP Box Regime an der direkter R&D-Käschten-Ofsetzbarkeet optiméiert ginn, fir e méi attraktive Package ze kreéieren?
5. Plangt de Minister eng komparativ Analyse mat aneren EU-Länner ze maachen, fir ze bestëmmen wéi Lëtzebuerg seng R&D-Steierincitatiounen méi kompetitiv maache kann?

Mat déiwem Respekt,



www.piraten.lu



CLEMENT Sven
Deputéierten

